

欽定四庫全書

子部

難經本義卷上



北京中醫藥大學圖書館版權所

詳校官太醫院吏目臣周世泰

編修臣倉聖脈覆勘

欽定四庫全書

子部五

難經本義

醫家類

提要

臣等謹案難經本義二卷元滑壽撰壽字伯仁明史方技傳稱為許州人寄居鄆縣案朱右撝寧生傳曰世為許州襄城大家元初祖父官江南自許徙儀真而壽生焉又曰在淮南曰滑壽在吳曰伯仁氏在鄆越曰撝寧生

然則許乃祖貫鄞乃寄居實則儀真人也壽
卒於明洪武中故明史列之方技傳然戴良
九靈山房集有懷滑撓寧詩曰海日蒼涼兩
鬢絲異鄉飄泊已多時欲為散木居官道故
託長桑說上池蜀客著書人豈識韓公賣藥
世偏知道塗同是傷心者只合相從賦黍離
則壽亦抱節之遺老託于醫以自逃耳是書
首有張翥序稱壽家去東垣近早傳李杲之

學櫻寧生傳則稱學醫于京口王居中學鍼
法于東平高洞陽考李杲足迹未至江南與
壽時代亦不相及翦所云云殆因許近東明
附會其說歟難經八十一篇漢藝文志不載
隋唐志始載難經二卷秦越人著吳太醫令
呂廣嘗註之則其文當出三國前廣書今不
傳未審即此本否然唐張守節著史記扁鵲
列傳所引難經悉與今合則今書猶古本矣

其曰難經者謂經文有疑各設問難以明之
其中有此稱經云而素問靈樞無之者則今
本素問傳寫有脫今本靈樞乃王冰依託而
作非其舊也其文辨析精微詞致簡遠讀者
不能遽曉故歷代醫家多有註釋壽所採摭
凡十一家今惟壽書傳於世其書首列彙考
一篇論書之名義源流次列闕誤總類一篇
記脫文誤字又次圖說一篇皆不入卷數至

其註則融會諸家之說而以己意折衷之辨
論精核考證亦極詳審櫻寧生傳稱難經本
靈樞素問之旨設難釋義其間榮衛部位藏
府脉法與夫經絡腧穴辨之博矣而闕誤或
多愚將本其指義註而讀之即此本也壽本
儒者能通解古書文義故其所註視他家所
得為多云乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

難經本義序

之為道聖人自和是故凡其金石可濟夫天死札
走則計然而人推本軒岐鬼吏區
之書發難析疑論辨精詳凡
天地並立功蓋小補也哉
難經受病大難之診乃繫於
問証有形影時切其共細
若一髮苟或謬誤則

而可易以習醫邪寓

鄞滑伯仁故家許許去東垣近蚤為李氏之學遂名于
醫予雅聞之未識也今年秋來遺所譔難經本義閱之
使人起敬有是哉君之精意於醫也條釋圖陳脉絡尺
寸部候虛實間而通決而明予雖未嘗學而思亦過半
矣嗚呼醫之道生道也道行則生意充宇宙澤流無窮
人以壽死是則徃聖之心也世之學者能各置一通於
側而深求力討之不為良醫也者幾希嗚呼越人我師
也伯仁不為我而刊諸梓與天下之人共之是則伯仁

之心也故舉其大指為序至正二十五年龍集甲辰十月既望翰林學士承旨榮祿大夫知制誥國史張翥序

難經本義序

粵自神農咀百藥而寒溫辛酸甘苦品製之宜君臣佐
使之用具諸本草治藥者於焉依據由黃帝作素問內
經凡受病根源俞府皆切脉而知故秦越人因之設為
八十一難問答究竟精微盡醫師之道焉世之醫者率
熟胗而察腓而審證而治藥若難經一書誠大本領苟
不由難經而出其亦庸醫乎余觀註本草者若今東陽
朱彥脩氏所著已無餘蘊而解難經者不知其幾家求

諸精詣十無一二許昌滑君伯仁甫挾岐黃之術學出於東垣李先生精於脉而審於劑者也愈痾起痼活人居多余坐落足疾人人治而弗痊有言伯仁善治法余致之聽其議論皆自難經而來迥異於世之言醫者豈異哉究理義之精微衆人固弗識也因出示所述難經本義二卷發前人所未發之旨首列圖後疏本義蓋其人者積學二十餘年凡醫之書無不參考而折衷已意各條問答之下於戲其用心亦仁矣得之者可以趨黃

帝岐伯之庭而問崆峒壽域也雖然吾聞之望而知其
病者謂之神聞而知者謂之聖又問而知之謂之工至
於胗脉淺深呼吸至數而後能療治者得巧之道焉神
聖工詎得見矣今所求者巧耳於巧之中又不可以言
語文字傳者若扁之起號緩之視膏肓於難經乎何有
然與否也吾其審於伯仁甫云至正二十有一年重光
赤奮若之歲臘月既望奉直大夫温州路總管管內務
農兼防禦事天台劉仁本叙

難經本義序

素問靈樞醫之大經大法在焉後世諸方書皆本於此
然其言簡古淵涵未易通曉故秦越人發為八十一難
所以推明其義也然越人去古未遠其言亦深一文一
字意周旨密故為之註釋者亦數十家但各以臆見而
卒無歸一之論或得此而得失彼或舉前而遺後非惟
自誤又以誤人識者病焉許昌滑君伯仁篤實詳敏博
極羣書工於醫者三十四年起廢愈痼不可勝紀遂畫